

Urbes.

Accessit tandem & Comitatus Catzen-Elnbogen, idque per Filiam ultimi Comitis, quam duxit Henricus Landgravius. Genealogiam Landgraviorum Hassiæ apud Munsterum habes. Sunt porro in Hassia præter alia minorum gentium Opida, Vrbes duæ præcipuæ, *Marpurgum*, & *Cassula*. *Marpurgum* *Amasia* Ptolemæo, qui eandem *Amisiam* vocat lib. v. i. i. Geog., ut censet Franciscus Iren. & Appianus, vulgo *Martepurg*: Hassiæ Metropolis. Hanc alii a Marte quasi *Martis-purgum*: alii a Marcomiro Francorum Principe sic nominatam volunt. Civitatem hanc olim villam fuisse Historiæ produnt. Eam Lona Fluvius insignis præterfluit. Vrbs est Sede Principis, Schola illustri condita anno Christi c. 1055 a Ludovico Episcopo Monasteriensi, nobilis. *Cassula*, præcipuarum Hassiæ Civitatum altera, dicta quasi Castellum, Ptolemæo *Stereonitum* esse creditur: olim tantum Arcem hic existisse perhibent. Civitas *Fulda*, *Ana* & *Trusula* fluminibus irrigua, aquis autem instructa, agrum fecundum atque compascuum habet, & arva nutriendis pecoribus apta. Vnde in vellerum lanæque venditione, Civium potissimum negotiatio consilii. Haud procul Marpurgo est *Frankenberg* vel *Francoburgum*, Opidum perelegans, situ amœno & antiquitate commendatum, ad fluvium *Ederam* situm: nomen desumpsit a Francis, qui ibi castra metati sunt contra Saxones. Anno Christi 1055 primum extrui cœptum a Rege Theodorico; postea anno 1066 a Carolo Magno auctum. Sunt & alia: *Eschwege* colli imposita, lata agri fecunditate gaudens Opidum, *Wertæ* fluvii aquis irrigatur: cuius oportuno usu, *Isatis* herba, *Glastum* Plinio, & ex eadem confecta tinctura, quam Thuringicum solum, frequenti scœnore suppeditat, primo supra hoc Opidum lapide, cimbris imposita, Mindam usque: inde Visurgi aquis, quæ Werram absorbent, Bremam, & per totam Ostlandiam defertur. De primo *Eschwegæ* initio nihil, quod sciam, Historiarum monimenris comprehensum reperitur, eo, quod Hungaricis bellis atque incendiis, tertium depalta, deformataque fuerit. *Francoburgicum* tamen Chronicum, dum Carolum Magnum circa annum 1000 Episcopatus varios instituisse, Monasteria & Ecclesias, multis in Opidis, fundasse commemorat, meminit & *Cauffingæ* nō procul a *Cassela*: & *Eschwege*, ab eodem tum temporis excitatæ. Præclara etiam extant Henrici Imperatoris 11 erga hoc Opidum merita qui id ipsum Hungaricis incursionibus devastatum atque collapsum, restituit, no vis edificiis auxit, & locupletavit. Gravissimis rursus calamitatibus adflatum fuit, anno c. 1000 lxxxvi eo bello, quod inter Adolphum Moguntinum Archipræsulem, & Hassiæ Landgravium acre defævit, quando etiam ad Hassiæ gubernationem pervenit. *Frislaria*, insigne quoq; ac prætans Hassiæ Opidū, vulgo *Fritzlar*, Latine doctrina pacis, ut puta ubi verè & perpetuæ pacis doctrina S. Bonifacii auspiciis, toti Hassiæ, Thuringiæ, Franconiæ & Frisiæ innotuit: Egræ fluvii propinquitate, & situ admodū amœno, sicuti universa passim Hassia, præcellit: Muris circumcinctum turrigeris, situm inæqualem, sicuti & regio ipsa, hinc inde montosa, obinet: agro tamen lauto; Frumenti, Leguminum & Fructuum feracissimo, etiam Vini, cuius tamen fertilitate, non est hæc regio admodum prætans. Et quamvis in ipsa Hassia, *Frislaria* se conspiciendam præbeat, ad Moguntinum tamen Archiepiscopum pertinet, unde